



12107

隨園詩草卷之二

梅花四首

任邱邊連寶肇

吟

何處相逢索笑顏，好隨水裔與山巔。
吟鞭獨裊風吹帽，鶴唳斜披客在船。
翠竹堪爲寒歲侶，夭桃那悟上乘禪。
一從和靖先生死，縞素空閨五百年。
生禽活卉謾輕誇，取魄追魂那到家。
雲凍空·鶴夢冷，煙凝一水月痕斜。
遊人差喜無珠勒，倦態何妨倚竹筵。
斟酌寒香應供佛，等閒休點鬢邊鴉。

隨園詩草

卷之二

一

霧閣雲牕曲曲通，仙人近住蕊珠宮。
偶憑石榻一聲笛，不斷生香三面風。
爐冷鷓斑纔罷熟，簾垂犀押不須烘。
門前禿尾衝寒過，重戴深衣是孟公。
蚶蜆鐵榦飽經霜，一縷時飄太古香。
應識寒能堅骨節，誰憐老復擅風光。
廟廷解慍須三弄，鼎鼐調羹未一嘗。
半盞寒泉生受慣，他年配食水仙王。

爲張晴嵐題王希陶畫扇

我於此道如作夢，不但手拙目亦慵。
縱復妄爲評品之下語，都不着癢痛。
吾友希陶擅此長，曾爲指

點開愚悞其言河漢不可知蠡游滄海雞在甕乃
遇希陶之所作此心每覺怦然動不解畫法解畫
情無絃古琴時一弄張子晴嵐具癖人歲在乙卯
夏在仲瀛洲客邸邂逅間手持畫箒索子頌孤亭
偃蹇水之潛天涯帆影目相送幾株老樹亞秋風
山氣溟淅水瀕洞構思造境淡且孤遠致不容俗
手共繪畫雖爲技之微我于此事有所慟楊素王
維李伯時畫家輻輳隋唐宋自是升堂更入室盛
名或以官增重我友何必讓古人牢落名不出里
隨園詩草

卷之二

二

閔被褐懷瑾空復絕低昂高下難折衷吁嗟乎游
藝原求自悅怡俗口謹叟何所用

薊州道中

膊膊時鳴蚤信信巷吠多榆精初墮婺桂魄半籠
娥風盜箱饒罇霜侵鬢暫皤壁嬰肩利倚檻兔首
空訛目柳雖盲雀看山尚蹙蛾裂冰鑄琬琰軟堰
踏兜羅黑土埋生酪黃沙塑走魔橋浮顛牛馬舟
楫綫龍鼉鞞鞞籠官騎猙獰壓塞駝迅機魍兔網
銳管肅鶉囹偵餌疑辭窟猜朋戒去窠翠低團野

蓋黛晚聳天螺稱槁苔微染楊枯蘚半磨石垣晉
砌鷓茅屋頂披蓑堠廢於菟剝祠荒鵬鵬頗薊門
書觸目客邸備閒哦

呈景宣叔祖謝惠菊

叔祖花癖性所賦承薰門外築小圃年年看菊在
此時杖履雜選紛如鷺入門光彩射人眼陸離澔
泔輝黝堊更添數種向所無神欣魄動驚屢顧座
客空讚不知名如箝在口莫能呼主人一一指點
之名實相稱非謬誤倚欄嬌態世所稀長生殿角
隨園詩草

卷之二

三

垂紈素秋水芙蓉亦復絕恍然兩槩橋頭渡饒眼
眈眈看不足喜心倒極翻成怒吾家亦有一畝園
廣可十丈袤百步空有隙地無力治宿莽橫塞積
薪厝求此一枝似瓊蕊心以憤懣生覬覦轉思此
由勤苦獲逸者攫之理非怨兩念輾轉不自勝苦
情已被冷眼覷傾瓶相贈無所難快如貪夫獲重
賂侏人奪我間道歸攜來璀璨驚童豎如胆磁瓶
水細傾烏皮几子拭以布向有數種盡撒之不許
美娃溷醜嫗被所撒者無輝光羞澁似作前魚訴

邇來雅好讀佛書此心漸覺無所住籬邊野草爾
何情墮吾道力使不固乃知尤物亂人心屢爲排
遣根不除但乏三百青銅錢坐負嬌姿語空絮

戲效長吉體

叢桂蒨鬱蟾蜍腫白榆點點穿針孔一天凝滑貼
冰晶萬里素濤潑銀汞老鴉飛過一聲啼愁煞下
惟人姓董

奉懷錢香樹先生

華國文章經國才崇階曾拜少銀臺萬方封事黃
隨園詩草

卷之二

四

門奏三輔人倫玉尺裁桐杖久隨廡翼去覓旌應
逐浦帆來鴉啼鈴閣無消息午夜寒芒矚上台

日向高原望旆旌東山不起奈蒼生扁舟曾載鬱
林石朶殿應遲革履聲范蠡湖邊劈紫鱗裴休宅
畔破霜橙何由得侍滄浪釣黃葉西風無限情

效唐人病馬詩呈香樹先生

意氣當年許渥洼可憐此日瘦查牙雪埋月旋侵
官印土蝕連錢暗五花病骨料難邀錦障蹇蹄誰
復換嬌娃自慚辜負孫陽甚嘶向天邊玉筋斜

二〇〇 敝裘行

治子善爲裘所善在補湊請以此試之應令却且
走憶昔歲庚子初以二金購迄今十九年支午干
在戊癸武旄盡彫重耳國已復庖丁所屠牛已空
數百廐余有所嬌女二九年恰設問之不記初蓋
已生其後取溫毛已童論法理當宥而我猶着之
窮冬鎮相守不放如仇讐難捨似婚媾實係我無
聊非闕渠有壽記前乙卯冬入都求賈售時渠已
破碎遮肩不掩脰勉強襲以紗表裏都通透見者

隨園詩草

卷之二

二

輒胡盧百端恣欺詬冬煖而夏涼俗語真不謬五
月良可披遺金奚足冠時著敝裘行恆詭頗馳驟
觀者皆捧腹巔腓互廝就於今更四冬藍縷益非
舊紫鳳跛折足天吳禿傷首油跡兼酒痕繚繞紫
科籀百孔復千創烏雀啄雲竇大者堆盆髡小者
列星宿表然裏可知不煩再窮究家人凌晨起披
髮無盥漱我令補綻之翠肴頓雙皺彌縫前後襟
補綴左右袖針脚難蓋藏線纈任釘鉅縱橫虵蟬
游屈曲蚯蚓鬪咄咄嗟爾裘依依自孩幼何時與

爾別吹律過太簇黽勉支此冬明歲決不又乙卯
已有作此詩得其副一裘易二詩于汝未非厚

○春日懷九兄

春水茫茫欲拍堤萋萋芳草綠將齊千林殘雪鴛
聲溢萬里閒雲鴈影低宦海有波同塞馬靈臺無
染笑醞雞清明欲近人歸也好共攜壺過柳溪

○雨水煎茶

古人論茶先論水水不精好茶亦累石泉爲上江
次之井泉水斯爲下矣康王水簾誇第一腐儒直

隨園詩草

卷之二

六

是無由喫可憐嚙口遇窮腸冽井寒泉到處覓吾

邑井名郭家場城東約有三里強每費百錢買一

斛輕圓甘滑如瓊漿自從今歲客周村數家僮少

爲比鄰覓井並無煎茗水覓人絕少嗜茗人文園

消渴真無那脾乾胃燥惟思卧

博物志飲真
茶令人少眠鹹鹵

難消陸羽饒籠篔不厭王濛餞車似轟雷雲似馬

甘泉頓自銀河瀉簷溜飛光匹練垂真珠墮落鴛

鴛瓦小盆大盞承瓦縫雨時積貯晴時用壯士習

勤自運甕丈人忘機常抱甕八閩洋爐獲鹿銚活

水活火逢雙妙蒼蠅嘍咿蝻蜷號魚迸晴珠鱗翻
泡夕陽裊裊烟迷離頭籠紗帽自煎時翠濤碧乳
影窈窕幽香一縷紫肝脾稼禾漂滂五日雨泥污
大地無乾土也知輒飽非長策且逐清風一揮塵

○春野閒覽寄懷芥舟

攤書亦云倦步屨窺園林地迴足遐覽興曠匪近
尋游絲靜裊裊浮陽驟駸駸草色動烏履花氣盈
裾襟慮妙歛迴轉徑邃遲去登臨溪姿既明淨邱

勢亦嶮欽畦英擢故芟林響變新禽決背會歸趣

隨園詩草

卷之二

七

傾耳索吟心顏霽愜素念心勞懷所欽願言惠前
綏芳醕與同斟

○田家行

柳花飛盡棗花出東家西家打步屈角角者斯
何聲布穀枝上催春耕且喜一犁新雨足早起溪
邊飲黃犢

○南圃

鳥鬪殘花落鶯啼密樹遮微風梳石髮細雨漱雲
牙幽興曾無愜夕陽又已斜奚堪迴首處羅綺散

餘霞

、李夫人

獨立佳人舊有名力能傾國復傾城茂陵未築身
先死謾把空談笑阿兄

○昭君

玉貌凋殘朔漠風龍沙萬里戍樓空自關妾命薄
如紙不願官家殺畫工

○綠珠

曼舞嬌歌一旦休蕭牆禍起爲明眸感君意氣同
隨園詩草

卷之二

八

○太真

黃土深深葬玉姬九重天子泪沾頤那堪雲棧淋
鈴夜却憶長生殿裏時

、三國夫人

加封大國號秦韓鸞鵲天書御府頒官闈亦應隆
世族三姨何必盡紅顏

偶憶西山舊遊追賦絕句十三首

丙辰之歲秋杪時結伴西遊西山陞竹杖芒屨經

過處至今一一夢見之

柿林葉落甘實晚紅團萬顆綴枝短昌黎妙句真
天然赤烏下啄頰虬卵

來青軒下泉淙淙哀玉萬片相撞春倚着牕櫺便
飽聽洗俗耳兼洗俗胃

雙乳石泉甘似乳映月澄鮮靜不流夜半酒酣消
渴甚爲攜竹竈試茶甌

洪光寺後說法亭萬山合沓列錦屏夜半來遊持
大燭楓櫛杉柏搖丹青

隨園詩草

卷之二

九

葉之紅者如猩血葉之黃者如麴塵雜以松檜沉
沉碧望之蕭索復輪菌

曝衣臺下一石几四面如削淨如洗海邊二子對

楸枰

家識珍與海涵
百齡圍碁其上

琤琤響應空山裏

朝陽洞裏一老嫗蒲團面壁已九年自誇道力語

雖誕以理度之不其然

嫗旗人也年七十餘矣其
子爲護軍校尉八九年

前遊至此遂誅茅居之且言此山故多鷲獸自我來
後間或一二至今絕跡矣余戲以道力佞之嫗曰

老婦何道力之有但山靈
能鑒此誠爲我呵護耳

鳥道紆迴數十盤朝陽山頂望桑乾攀蘿附葛不

得下欲借華陰縣裏羶自朝陽洞至朝陽山絕頂約三里許秦乾河流其下

滔滔滾滾真鉅觀也然千仞壁立俯視輒為心悸幾蹈昌黎故事

卧佛寺裏娑羅樹故老相傳四百年因得雙樹空

王句日誦萬遍口流涎樹二株相傳明初有番僧携種來自西域手植者時

與海教授同遊因誦其先大人瓦公尔達句云雙樹空王夢名山客子魂真絕調也後達死葬寺側

蓋詩識云

酒後習氣慣發狂雌黃醜句怒愴王蘸筆為灑櫻

桃咏咋舌還來進一觴卧佛寺後櫻桃溝前有題詩甚拙同人等且笑且讀

旁有僧父王姓恚甚曰公等喋喋能此乎余曰能因進筆硯索詠余就櫻桃溝七古一篇王雖了不

隨園詩草 卷之二 十

解然頗怖其神速因進白酒一壺余與諸公酌之而去

卧佛寺後櫻桃溝大石壁立迴萬牛擬鑄琬琰壽

吾句此志此生何日酬石高十餘丈廣可三文許其平如削因與戴教授通

乾公謀擬以我輩詩鑄之作字如斗大真千秋業也計之約費千金嗚乎難矣

吾兄薄宦還被彈戴子猶苦牽世緣久矣不見海

與勒勒東圃福海涵百之弟時亦同遊風流雲散三四年

雲林清話圖

流雲飛敗絮縹緲無滯跡繚繞桐柏間下覆談元

客裊裊塵尾風聆之了無獲大道本希夷難從聲

響索

懷維藩

手攜一襖被辭親走千里遠出居庸關還窮桑乾
水問君何所爲云作書傭耳我亦業傭書去家百
里餘我念母不置母亦時念余一月一問訊兩月
再致書我母百里尚如此爾母千里當何如

懷芥舟

端居日無事中懷常欽欽之子隔河湑嵩高伊洛
深昔別桃始華交春鳥音今已溽暑餘原野污
隨園詩草

卷之二

十一

霖霖古歡敦夙好離思故難任安得晨風翼翩翩
送我心

高士吟

山中有一士冥默無聲聞抱負松桂性含咀冰雪
文抗情葛懷上溷跡鹿豕羣可思不可即山深藤
蘿昏

麥粥

擣麥煮爲粥六月供朝膳匕箸聊一持頭面浹珠
汗幼女太嬌生啼索餅餌食老子怒且悲涕淚應

聲滴汝父喫此四十年汝祖半生無此喫

天涯

天涯知已曾餘幾戴友錢師不可三桐杖扶衰歸

塞北

戴潘陽人

扁舟載病下江南

錢湖州人

停驂空辱相存

問羈旅無由接笑談塞鴈江魚雙不見南情北思

兩難堪

村居冬夜五首

繚枝有餘葉殼棘燥且乾微風一披拂墮地聲珊
珊羈魂寡所泊聞此亦悽酸悽酸竟何那甘飲長

隨園詩草

卷之二

十一

恨端

牕隙針孔大延月懸屋隅團團復瑩滑狀如牟尼
珠敗紙時搖颺乍有還乍無幽夢稍稍覺愴恍正
難摹格格更何響凍犬撼門閭

矮牕不受日黥黥如山陰風吹霜霰入寒氣迫我
心五藏無陽焰激爲酸苦吟酸苦奚足惜誰聆酸

苦音

冬月光泠泠萬里碾寒玉木彫瘦影直森然一束
束擁鼻吟廣庭噤痺生寒栗凜然難久留入戶仍

躑躅

斗室四壁靜如聞聲唧唧躑足側耳聽乃在窈窕
窟斷續不成吟兢兢如有怵茲時非爾時應閱旦
夕質胡爲不自逸哀哀何所卹

寫愁

壯懷濩落漸成癩過眼蜉蝣總蔑然入肆狂呼下
吏飲登床酣枕古人眠身如韝臂拘鷹隼吟似春
山響杜鵑碧落茫茫十萬里問君何處寄愁天

萬株棗樹瘦查牙密繞村倉四五家偶着儒冠遭
隨園詩草

卷之二

三

吠犬時憑竹杖聽啼鴉數匙粗糲章程飯一盞籠
篋則例茶咬斷菜根何所作可憐抱影自長嗟

急景纔東又復西斜陽坐趁草簷低酒懷漸減緣
多病詩思加豪奈少題白髮蕭騷愁可掬青雲偏
側路難躋莊生謾誕欺人甚世上窮通那得齊

如縷愁懷千萬端彊支病體坐更闌穿牕斜月凝
魂冷鑽隙陰風砭骨寒手揣兩腮知近瘦腰圍一
帶訝新寬老奴但會營渠飽那解慙懃爲勸餐

古書

牢落皇墳上荒唐帝典餘直窮開畫始遠溯結繩
初世俗安孤陋殘編供獵漁空持蝌蚪字飽死幾
多魚

古劍

浩氣埋龍虎榮光暗鷓鴣鉛刀飾琇秘神物辱塗
泥晉鄭頭難白雷張眼欲迷可憐歐冶子拂拭數
行啼

古琴

玉軫絃難繫金徽點不分於今挂空壁當日奏南
隨園詩草

卷之二

十四

薰妙指索元理俗工論斷紋自從圖博古追蠹日
紛紛

古鼎

九鼎真神物爐錘天地初自非神聖德何以克當
諸汾水光初耀罽賓道屢除會看來上國宗廟重
璠璣

古鏡

寶鏡出秦宮孤光一片空千人失魄膽萬古不磨
礧躍冶知神器陶鎔定鬼工菱花雖激灑但可照

顏紅

○古碑

陳人閉永夜野土化枯骸表裏無青史婆娑有綠苔
捫心應自愧諛墓亦堪哀伊呂真千古豐碑安在哉

○古寺

蘭若枕巖阿春秋幾度過鬼形失獍劣佛掌剝甍
羅頽廢今如此靈通昔若何六朝爭供養零落等山河

隨園詩草

卷之二

十五

○古樹

桃李艱中壽長年屬柏松曾教馮異倚不受祖龍
封拔地無凡骨挈空有媚容可憐露井上花葉亦丰茸

晚晴

園林澄晚霽灌木轉陰森此際逗微月嗒然觀我
心竹露似滴瀝荷香稍浮沉靜情無與悟寄爾邱
中琴

曉景

幽魂不能寐曉坐西齋裏桐風灑素襟荷露漱寒
齒瞳矐旭日上羃歷炊烟起持用謝故人端居每
如此

○孤雲

靜與玉蟾逐淡將銀漢同晚風吹不去天宇祇如
空霖雨知何日蕭條亦有終由來無住着呼吸任
鴻濛

、秋晚寄芥舟

醉倚西風送遠眸碧雲盡處是中州魚龍水靜澗
隨園詩草

卷之二

十六

瀝晚竹栢烟深嵩少秋貝錦織成應有恨覆盆揭
去可無憂西園殘酌今猶在月底新吟待爾酬

○秋興

涼蟬寂莫樹蕭騷螢火飄零絡緯豪蓮葍香殘鴻
信晚月廊風靜杵聲高多情未忍拋團扇晚節誰
當贈緼袍剩取餘錢堪買醉一壺白酒佐霜螯

○薄薄酒學山谷二首

酒薄薄如水婦醜醜如鬼酒薄如水存酒味一杯
一杯可取醉婦醜如鬼勝獨宿七十無妃傲犢牧

緩步可以當車晚食可以當肉裋褐可以傲華衮
蝸廬不必羨華屋無辱何必有榮免禍勝如多福
漆以飾割木以直伐蘭以馨焚翠以采殺雄雞羽
美自斷羽恐中犧牲登於俎靈龜之腸以靈劊安
得曳尾在泥塗華亭鶴唳無望矣東門黃犬得再
乎吁嗟乎悲夫主父烹綠五鼎食衛尉禍胎一斛
珠何如酌薄酒擁醜婦歌呼嗚嗚其樂只且

薄酒可以頰面醜婦可以補綻飲酒何必瓊漿娶
婦何必姬姜有酒有酒如澠淮不到劉伶墳上來

隨園詩草

卷之二

十七

銅雀臺上美人舞西陵兩眼睜黃土印纍纍兮綬
若若何如啓期行帶索鳳笙鼉鼓龍吟笛何如歌
聲出金石建牙吹角下高堂翠旗羽纛凌風翔何
如灞橋風雪驢子背卅角奚奴古錦囊吾聞之能
加我于滕者能墜我于淵朝令生羽毛暮令生瑕
癥已矣乎富貴功名難強得董項陶晉不可折不
如薄酒飲足三萬六千日生與醜婦同室死與醜
婦同穴

七夕

燕婉雙星會荒唐十萬錢茶瓜兒女設遊戲古今
傳露重星芒濕風微漢影偏長生秋殿角此際最
堪憐

和芥舟秋日過我茗飲之作

與爾結金蘭相好忘庚甲匪惟歷駟歡直同魚水
洽感激鼓應桴招邀風動箎有盞必雙斟無韻能
孤押牛耳無定執雞壇亦屢畝互築累所卑交注
餉厥乏羲娥御移西締綵衣更袷玉葉剪琉璃
溪染靺鞨霽靄覘萋萋霖霖聆霎霎將迎倒屣履
隨園詩草

卷之二

過從省筆劄汲泉蒸楮楸戶驅鶩鴨悶稽羽經
裁愁免墮術壓嗶啞蚓號穴砾訇波轉峽甌淨還
屢雪槍嫩只一搯幽香但微吸元味無重呷興酣
結鞵鞞狂發胠篋匣飽李君讓池收龐我在桺坐
慚陶韋韻空點韓樊法

崇官行贈戈絅公先生

戈童七齡字崇官神清氣秀骨嶮屹伏犀插腦青
睛圓瑤環象珥芽茁蘭雪膚漆髮弱婉變聰慧濬
發浚泉淵突兀儼欲賦高軒背誦唐句三百篇銀

瓶迸漿箭離弦喧唳萬派流疾湍能解石濠與新安口講指畫莊諧兼科譚砌抹殊可觀衮師驥子不足賢父洵兄軾轍比肩生兒寧馨堪念憐吾家龍駒空嫵媚但覓梨棗真癡頑方渠珞珠與璵璠餘者可遣此際難歸來懊惱加朴鞭

留別芥舟

宛宛解攜情約約可憐色覲面無可陳一杯且努力我已失西東君更迷南北相顧兩茫茫何處覓行跡依倚野風前躑躅河梁側一字慰相思無遣

隨園詩草

卷之二

六

羽鱗隔

赴秋闈道上口占

慚愧秋闈十上身更從苦海問迷津謾愁塵世無知己祇恐青山解笑人草窟吟蛩聲未老秋濠官柳綠猶新僧藍老去渾相識茗椀慙勤勸客頻

竹逸老人墨霞堂詩

生平未登墨霞堂心識墨霞堂上叟墨霞堂上叟爲誰竹逸老人謫仙後老人不忝竹林人瞥眼鼎鐘如敞帚傍檻惟栽杜甫松倚門時插陶潛柳世

間炙手徒紛紛猿鶴沙蟲我何有繪事惟愛米家
顛仰天踞地神獅吼范寬趙頰供鞞材荆浩關仝
但覆甌堂額大署曰墨霞體兼飛白大如斗案頭
斧劈間披麻天上白雲逐蒼狗墨光霞影兩難分
豪情逸氣真無偶夙昔恨未識老人執鞭為効牛
馬走聊題長句寄草堂六幅屏風垂永久堂傾屏
壞會有時詩附老人同不朽

戲題李千一丈三友齋

老人贈我潞州酒一壺倩我爲賦歲寒三友之蘧
隨園詩草

卷之二

二

蘆酒已入腸化爲水屢屢問訊索詩逋齋中三友
復何如具體而微並尺餘裁以石盆供座隅矮松
枒槎來天目針毛短簇封苔鬚韋偃根柯虎龍裂
馬遠枝榦虬蛟舒蒼然傲睨古丈夫左竹右梅三
友俱此君雖小何扶疎个个聳削直不迂簣篔數
尺勢萬丈月落空庭影不殊梅來何所山之孤烟
鬢峭倩彼美姝貯以玉女洗頭盂老人暖老思燕
玉此花可作夫人如老人鰥居林逋應喚小姨夫雞皮
鶴髮鳩杖扶日與三友坐相於老人軀幹似短李

喚作三友良不誣恨余身手太艱難參差竄入貌
不符便得摩詰好畫手但能爲作四友圖自慚詩
腸久焦枯了無竒語徒區區澆以數盞或稍甦君
家潞酒今有無

感秋

秋日瑩淨伊可懷秋夜慄慄尤可哀打牕敗葉時
簸簸照壁涼月還皚皚此身故作逐波梗此心近
若迎寒灰兩餐既罷就枕睡三萬六千又此回

鬢邊髣毛何摧頰頭上頭髮白皚皚齒被蟲齧稍
隨園詩草

卷之二

三

去頰眼遭細字頻疑猜豈但拙慵被憫笑顏狀老
醜亦所哈此身久爲世所棄身不棄世胡爲哉
秋雞啄黍翎毳毳秋黍釀酒波撥醅年近半百復
餘幾打疊歲月歸樽罍孺人戛瑟稚子舞荒淫黽
勉無嫌猜千秋萬歲共滅沒嗟爾知我其誰哉

霽夜野望

雪光月彩兩瞳朧水化雲英此際同身世乍飄塵
界外乾坤都貯玉壺中樹邊三匝無依鵲雲外一
聲晚到鴻寒徹骨頭清亦絕冷然只欠列仙風

○ 秋燕

鱗次輕雲卵色天羽毛憔悴失翩翮銜泥辛苦曾
三月鬻子恩勤又一年偶向花叢仍旖旎乍窺柳
眼尚纏綿張家樓畔休煩絮人伴秋霜正獨眠
無邊芳草已淒其顛雨斜風八月時姊妹行中音
下上雌雄隊裏羽差池塞鴻好待爲愁侶山雀從
今莫浪欺回首故人應悵望簾鉤同坐說相思
春來秋去候難違社鼓皦皦送爾歸謾向風前話
離緒好從月底刷正衣路經朱雀橋邊巷宿傍石
墻

○ 隨園詩草

卷之二

三

頭城畔磯爲囓客途須鄭重九秋豪鷲正高飛
簷前白露欲爲霜砧杵聲中草木黃故壘千家辭
玳瑁彩雲一片落瀟湘蘆花飛雪湖光濶丹葉飄
楓江路長一縷紅絲懸望切棲遲休戀水雲鄉
○ 讀長古

紹述淹蹇魁紀公孫樵潦倒大明宮癖王身預甘
露變不合雕刻蝦蟆蟲隴西王孫李長吉萬象森
羅供呼吸奴背錦囊果下駒乾端坤倪盡收拾剗
方剗圓鐫義舒擔囊負篋走且趨造化小兒嗷嗷

哭太乙列缺追亡逋真宰却被毛帚刷合將六極
行誅殺那是緋衣駕赤虬天遣耶又引羅剎詩卷
百千萬億年浮生三百廿四月君不見尋章摘句
蠹魚翁厚福叢軀壽而達

讀義山

詩家大成集浣花含蓄百氏無垠涯大歷以後稍
靡弱剽掠勦襲空紛拏元白韓李名相亞元輕白
俗喧淫哇獨有昌黎玉溪叟杜陵鎔鑄雙鏌鋌下
及北宋起異議江西派別西崑家牛李蜀洛立門

隨園詩草

卷之二

三

戶黨枯讐朽相疵瑕余謂二子雖異派鈎盤簡潔
分梳爬同出崑崙向碣石仍歸一綫無等差荆公
許李窺杜奧可云老眼無蒙遮韓碑學韓便學杜
籌筆雖杜其何加五言大篇愈雄渾惶惑萬怪奔
洪河勢如武鄉圖八陣烏蛇龍虎相攫撾又如淮
陰將百萬各就班部嚴謹譁其餘艷體不無謂宜
瀆精液捐滓渣楚雨含情各有託注脚自下何明
耶擬似應絕段十二俠邪豈比溫八义余素主韓
不主李筆如牛弩私矜誇詎知韓體便枵腹中乾

外強徒查牙不持寸鐵白手戰終遭窘辱難騰那
題詩跋後用自警兼示學子持頽波

懷友八章

○ 劉司州

抵死讐紈袴謀生去井疆或能辭頗頷直可閱炎
涼砧杵千家月蕭疎兩鬢霜饒君多道力容易耐
迴腸

○ 高用賓

里選曾推轂花封再剖符邊疆鄰象卉異產駭猪
隨園詩草

卷之二

三

都萬里風波險三年歲月徂北堂雙白髮夢繞洞
庭湖

○ 夏西村

每向朋儕內憐君是古歡衣冠存儉朴耕鑿識艱
難晚節甘淪落低頭惜羽翰西郊遊賞處偏憶酒
杯寬

○ 張晴嵐

何日隨花縣幾年別 帝都艱難仗執友鹽米累
妻孥湖海君飄梗乾坤我守株翻憐金馬客差可

較侏儒

○ 王希陶

晚年病目幾至失明

窮瞽囚張籍丹青老鄭虔清癯骨一把脫灑句如

仙自判河津郡相違十七年

希陶滄州人滄州舊隸河間每于試期相

晤自雍正己酉後改屬天津于今十七年矣

邇來消息斷翹首海西偏

、 李露園

見懷詩有相期春草下吟鞭之句

向作神交客今為夢裏人廿年纔會面十載又沾

巾迢遞弓高道蕭條青女晨偶拈春草句紆鬱氣

難伸

隨園詩草

卷之二

五

、 李綬遠

賢聲齊卓魯列傳入循良劇郡階操券巖疆政但

塲荔枝瑤柱嫩紫葍武夷香曾念文園否秋來消

渴長

○ 潘晉逸

鞿銜渾擺脫丰骨自嶙峋但慕朱家俠焉知原憲

貧鴈聲傳紫塞霜氣徹秋旻一札無由達西風自

愴神

、 寄芥舟

疊疊三十年百苦無一悅區區抱微誠祇此固窮
節敢謂薄世榮稍稍不屑潔自忖鮮所成因欲捨
之決昨辱藥石規罔祛我惑任道而委運斯言
信吾職勉旃重勉旃茲義無終極蓋棺事乃已外
此豈置力

○冬至用東坡清虛堂韻

急颺滾滾晨吹沙冬烘先生早放衙一壺白酒煨
榾柮門外手大如雪花村居去城二十里每逢佳
節還思家盍簪轟飲身未預吟肩獨聳聲軋鴉偶
隨園詩草

卷之二

三

拈舊韻雖偏側狂詞頗欲噴滂葩口脂面藥我無
分八餅詎問東坡茶紛紛肉食那入眼狂來欲試
漁陽撾短歌殊未極慷慨牢愁偶作微梳爬萬物
剝盡應有復吾道何必常咨嗟君不見雪雲明滅
忽開霽崦嵫晚景明彤霞

晚節

晚節淡諸慮無愁勞更遣所有筇竹健散疾或游
衍屏居邑東偏移步即澮畝維時新雨足迴文劃
沙篆野藥綠岸葑新蒲冒溪淺矯首時跂予斜日

明遙巘喧卑身自拘雲霞思已緬夙懷禽尚志羈
勒無由免何時婚嫁畢黽勉終一展願言誓自今
茲信庶能踐

看山

萬物樂危動攘攘名利間我緣身抱瘵兼以老思
閒獨愛靜中趣時看雲外山明朝更如此且去掩
松關

送九兄司訓涿州

吾兄三仕皆儒官廿年飽却首荷盤邢襄優游六

隨園詩草

卷之二

三

七載考滿進秩移京瓊京師四載投劾去但泛米

家書畫船

在京購書
畫頗多

歸來重整舊生理講學授經

凡幾年於今再除古涿郡半生回首真茫然臺省
守牧盡才俊少年精銳紛聯翩我家兄弟老且拙
青雲無路能攀緣家貧親老食指夥絕少負郭二
頃田丈夫有時爲貧仕動色捧檄寧戔戔生平最
怕作俗吏折腰束帶摧形顏此官雖卑體統在幸
免鞠脛塵埃間職事清要不瑣屑爲國育材儲梓
梗手執木鐸教士子更無簿領相徽纏文章報效

吾固有所司易稱無尤愆去家况祇二百里音書
可假郵驛傳板輿敬捧老母去安車穩路無危顛
城西古陂有督亢水田漠漠飛鳧鴛西山翠色在
襟帶不出戶牖看烟鬟一觴一詠致足樂此外更
復何求焉弟名亦久挂吏部十年求此如求仙會
當早晚沾薄祿歸闢三徑栖民廛兄弟至老不復
出對床風雨酣朝眠

廷掄隨九兄赴涿作詩示之

兄弟阻攜手臨岐一送之更憐小阮去還作贈行

隨園詩草

卷之二

壬

詩取譬何須遠矯脩當及時如余空老大俯仰坐
增悲

簪紱看衰謝科名未足誇高曾貽燕翼忠厚世吾
家感激原恒理天人應未賒力培方寸地即此是
生涯

慷慨思吾父詞壇舊有名風騷窮正始戶牖老諸
生積學承先世驚人待爾鳴亢宗欣有望頭角已
崢嶸

汝等從兄弟同堂共六人大都能謹慤惟爾最嶸

岫七尺祖宗澤百年擔荷身家聲漸消歌罷勉爲
余振

隨我三年久合應知子深斷然非俗骨未免有童
心敬服過庭訓無爲外物侵但能踏實地向上自
駸駸

尺五繁華地幽燕游俠場莫拋青玉案却佩紫香
囊澆俗人爭鶩冰壺我獨嘗應須學汝父半世菜
根香

汝父嗟匏繫誰當慰寂寥椿萱休恃愛琴瑟務相
隨園詩草

卷之二

无

調禍福豈無據乖和隨所招庭幃多樂事烏哺與
鸞簫

五十年華近蕭疎兩鬢蒼名山或髣髴青史已荒
唐有子非英物他年獨爾望臨歧真洒淚努力愛
時光

芥舟過訪

黃昏忽有高軒過當關報道河間戈倒曳屣履鞞
不結出門諦視欣無訛精神頓豁積悶釋洒如四
體離沉疴粲然一笑攜手入寒溫禮數捐煩苛高

呼稚子解巾帶衣霑霧露泥污鞞鋪床拂席置羹
飯濁酒稍稍資顏酤快談不覺天欲曙星斗磊落
城烏叱清晨飯罷告欲去脫軸取轄投寒波却煖
昨夜所餘酒一杯相屬聽我歌丈夫在世稀會面
來日苦少去苦多君應早晚入仕宦不比老醜終
巖阿祇今一歲纔一晤奚論他日岐關河安得與
君如蜃駟出則聯步居同窠疾病老死不相棄朝
嘲暮咏紛遮羅坐令萬物受雕刻搜剔蓋載窮義
娥嗚乎人生得此死無恨何必清廟賡猗那

隨園詩草

卷之二

三

閒居咏懷

羲馭駸駸不暫留驚心歲月水東流湘簾蘄簟纔
炎夏水態雲容已素秋靜攝漸應拋藥裹閒吟端
只借茶甌三間茅屋圍蓬藿擬築菟裘號四休

本自無心號隱淪天教蕭散作閒身畧存氣骨都
由懶多貯縹緗不算貧紙閣蘆簾聊習靜鯤溟鵬
海久迷津他年誰氏操青簡斟酌還堪附逸民

風懷近與白家期竈下商量數首詩那敢氣粗兼

語大

樂天詩云莫怪氣粗言
語大近排十五卷詩成

輸他駱馬與楊枝入

世無緣翻脫灑逢人相敬最便宜龍伸蛇屈隨時
用曼情由來是我師

○ 村居九日

步屣秋沙軟登高暮景寒霜澄波色淨風戰葉聲
乾白酒綠初斷黃花興未殘空餘筋力在何處好
追歡

有烏十章章四句壽姑母戈孺人兼示表弟

門人鏘

有烏有烏逐彼賢雄迺鬻迺判雛纓其黃

隨園詩草

卷之二

三

其息奄奄其啼續續二母翼覆恐懼于獨
葆之藉之膚之澤之其息疊疊其啼駭駭
其息疊疊其啼駭駭雛迺晬矣母則瘁矣
其瘁維何言葺其窠匪惟葺之抑又蓄之
其蓄維何捋苴及荼捋苴及荼以養爾羞
其羞既富爰飼爰哺以引以翼振振其羽
振振其羽有文鶯鶯廓廓雲路雛迴以翔
我祝而母我祝而雛務覆于翔勿惰以驕
匪驕匪惰弋彼飛蟲爰返其哺以慰母心

遊雲居寺

何處雲居寺羣峯四遶之似聞清磬發坐覺晚烟
滋山露郭熙角松浮馬遠枝漸知精舍近一浣客
衣緇

棟宇殊宏麗花宮媿紫宸莊嚴生敬憚咳唾有明
神殿角風琴靜簷間怖鴿馴諸天真密邇篤耨日
氤氲

隨喜到方丈欣逢花雨天量來剛十笏坐去已三
年况水龍生鉢談空舌吐蓮願爲春米客衣鉢莫
隨園詩草

卷之二

三

輕傳

憑眺臨深壑千松響暮濤晚鐘禪院靜孤月戒壇
高待客供香薜清規禁濁醪今宵香界裏清夢任
遊遨

自雲居寺至小西天六首

覽勝心難慊西天名復佳僧寮乞竹杖山下買芒
屨天竺真將近皈依幸不乖披榛尋鳥路時有野
樵偕

磴道層霄上縈空繞薜蘿松根粘石固巖竇受雲

多滑反緣苔徑逡巡訝虎窠力疲聊小歇古剎枕盤渦

漸入烟霞窟欣看古跡賒五丁鑿佛室四壁嵌蓮

華

佛殿之四壁嵌石刻妙法蓮華經一部

塔峻迴龍馭峰孤插虎牙

眼前真險絕何事問夔巴

七洞兼雙穴石經覆古苔鬼神爭呵護褻瀆有風

雷密秘因防劫龍威不敢開我情惆悵極鑽仰自

徘徊

隋僧智苑刻三藏石經貯以七洞二穴以防佛法之廢師徒相繼至元而工始竣

飛檻臨無地轟雷走急湍松脂流砌滑石氣浸人

隨園詩草

卷之二

三

寒佛榻幢幡古僧房冰雪殘晚來清吹發飄磬下

雲端

別有幽竒境盤空險更躋探碑凌絕棧訪洞躡危

梯俗垢無由染浮雲自可齊乾坤真一氣何處覓

端倪

涿郡燈夕五首

范陽名勝地燈夕喜相過鳳管千家沸鶯籠百戲

多燭龍常照耀黍谷自融和已弛金吾禁無妨踏

臂歌

何處冶遊郎貂裘錦襖馬嘶紅叱撥人嚼紫檀
榔犢鼻臨卮酒猩脣北里倡銀箏移鴈柱爲按小
秦王

寶鉸纏星宿珠簾護鷓鴣樓頭石尉妾馬上霍家
奴鰲脊三峯迴雲軒一鳳孤更傳佛火盛南北二
浮圖

崩芳七層塔莊嚴丈六身大千同一照佛域自生
春舍利搖珠斗旃檀降上真女郎爭膜拜半是散
花人

隨園詩草

卷之二

三

尺五天何處言登通會樓

州治之中曰通會樓
上有尺五天匾額

條紅燭市萬點黑雲頭時有巡邏卒應防姦俠流
順人兼整俗碑口頌州侯

同戈芥舟分題李綬遠無雙譜畫屏

蘓屬國武

相傳五言詩昉自子卿武文采何足云大節足千
古不然李都尉亦能爲韻語大節一以虧文采復
何補濡筆對節旄惕惕增惶懼

董賢

如此希世之竒姿夫豈不足禪天下奈何欲禪復
踟躕漢哀未是鍾情者餘桃之怒愛已弛前魚之
泣淚如瀉銅山鼓鑄賜黃頭蓄以錢奴殊未雅寅
亮燮理號三公如渠信亦無雙也

○ 周中丞處

搏虎虎就禽刺蛟蛟立死折節爲善行三患悉除
矣唾手放屠刀立地成佛子自非竒男兒安得遽
至此乃知惡少年作橫苦鄉里一旦痛湔祓都有
爲處理譬彼潰癰疽沉疴當立起痼疾不可療轉
隨園詩草

卷之二

三

在痿痺耳寄語闍茸沉醇謹奚足恃

○ 雌木蘭

齊有婁逞梁有木蘭木蘭代父婁逞求官渠直是
一人妖耳變常駭俗在得已上報君國下報親事
關名教庶可紀銀兜鑿鐵柄襠馥馥時聞弓箭香
雌兔迷離雄撲朔至今不辨是女郎假耶真真耶
假隴西王孫亦有言傅粉女郎火旗下

○ 太白

欲贊公從何處說真同十七史堆疊撫拾覩縷徒

紛紛惟有坡公語妙絕生平不識高將軍手污吾
足乃敢嗔此已置公華岳頂下視人間螻蟻羣一
脚踢翻鸚鵡洲一拳搥碎黃鶴樓滅竈復炊謝不
敏敬題坡語在上頭

○ 宋石工安民

安民天下賤工耳不肯鐫名豎端禮蔡京老子不
足誅直令士林羞欲死謾言千古更無雙竈頭聞
哭薛夫子

新月

隨園詩草

卷之二

三

黯淡纔通幌霏微未滿林細風渾欲墮薄霧總難
禁半玦循環理一鈎天地心行看三五夜桂魄自
森森

須識哉明後休猜欲晦時今宵雖戶牖明日已階
墀羸縮原相倚乾坤總不知冥心觀物化吾道復
奚疑

○ 寄晴嵐

吾友張夫子其人素不羈夙抱經國術窮餓無所
施本以不羈故而得窮餓悲及其既窮餓不羈愈

益竒不羈何所似請以次第推憶昔歲壬戌我客
城西陞窮冬十月暮張子造門時君素不解飲爲
置棹中飴君啜手中茗我反持酒卮問君何所往
答云赴京師京師固云好君往欲何爲君謬作大
語我志君豈知聞今相國某解印金閨辭是時正
枚卜我往取代之不然今上谷節鉞須人持奮我
三寸舌當立把一麾二者我取一如摘領下髭我
既騰踏去君何憂窮卑君時作此語莊色無忤詞
我聞之大笑仰天冠絕綏君亦頗捧腹一夜相諧
隨園詩草

卷之二

三

嬉天明遂別去去矣如發機自茲音問絕各在天
一涯越明年癸亥甲子秋試期我以文戰暇乃復
問音徽聞君別我後皇皇造邦畿孔席不暇暖墨
突不暇炊朝叩門之富夕隨馬之肥腹貯殘冷炙
身着歷碌衣歷盡羈旅苦乃始獲所依雖則獲所
依所願與心違昔爲膠漆契今爲雲雨睽膠漆無
時解雲雨有乖離雖不爲陳張亦不爲任黎我等
好兄弟所餘亦幾希胡爲有凶隙而一至於斯至
誠能動物斯言不吾欺嗚乎我晴嵐此亦當思維

君時不得意仍望都門歸歸來還依舊了不異昔
時越乙丑之冬乃喪厥匹妃一旦凶訃至泪下如
綆縻既而作達觀決絕不復疑使者標之去誓不
返柴扉甘作薄倖郎不顧糟糠妻嗚乎子張子此
亦足歔歎日者在燕市到處訪羈棲後于鬧市口
乃一邂逅之晉下跨青驪鞍馬何巍巍身上衣服
鮮顧盼生光輝握手三四語西山日已垂忽忽遂
別去衷懷未暇披竊疑君近况不得遽若茲後稔
所由來令我笑且悲吾邑劉太史緩頰曾噓吹侍
隨園詩草

卷之二

三

郎某公宅捉刀入其幃朝索一壽文暮索一輓詩
詩文不暇給絕不償筆資一日復一日逋欠遂纍
纍甚至呼庚癸腸作蚯蚓嘶解衣供茗薜脫帽質
餅餐搜括篋衍盡波及于縻匹主人稀會面不得
瞻光儀偶爾到館舍莊論坐臯比謂君果儒者當
耐寒與飢談者氣巖巖聽者顏色低大人請安置
小子奉著龜智勇兩坐困朝暮但嗟嘻絕處生一
策所思誠匪夷謂彼大人者可動以艱危婦本去
年死日月可推移覓得一僮父面目頗黑黧手持

函帖子來報夫君知夫君伴悲詫涕泗下漣而謁
者報主人主人果垂慈遂悉償所負不欠毫與釐
半作秋試費其餘供擢揮咄嗟當立盡今已無立
雖此誠資話柄無乃太滑稽憶昔與君別我曾有
語規不聽如充耳謂我好諷譏昨見李子敬聞君
有悔思亡羊而補牢于今未爲遲與其爲牛從毋
寧爲雞尸張子兮歸來與我同幽棲或在山之巔
或在水之濱朝咏過晨夕同樂皇與義決計應須
早無爲再噬臍

隨園詩草

卷之二

三

12107

